

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
OPĆINA MAGLAJ
OPĆINSKO VIJEĆE

Broj: 02-05-1-1398/17

Datum, 13.06.2017.godine



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MUNICIPAL COUNCIL

ZAPISNIK

Sa 7. sjednice Općinskog vijeća Maglaj
održane dana 13.06.2017.godine u 9,00 sati u sali
JU Dom kulture «Edhem Mulabdić» Maglaj

Sjednicom predsjedava Svjetlana Zamboni, predsjedavajuća Općinskog vijeća.
Sjednici nije prisutan općinski načelnik Mirsad Mahmutagić,
Zapisničar, Nisveta Bašić

Predsjedavajuća OV, govori na osnovu člana 59. Poslovnika o radu Općinskog vijeća Maglaj i zaključka Kolegija OV od 05.06.2017.godine, Programa rada OV za 2017.godinu, te ukazane potrebe otvaram 7. redovnu sjednicu Općinskog vijeća Maglaj.

Na današnju sjednicu pozvani su vijećnici parlamentarnih političkih stranaka, SDA-a, SDP-a, SBB-a, DF-a, HDZ-a, SBiH-a, SP/U-a, kao i samostalni vijećnik. Pozivan je i Općinski načelnik, rukovodioci općinskih službi, predstavnici JU i JP, kao i predstavnici čiji materijali će biti razmatrani na današnjoj sjednici OV. Poziv za sjednicu i materijal dostavljeni su OSCE-ovom terenskom uredu Travnik i sredstvima informisanja koji prate rad današnje sjednice Vijeća. Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata.

Pozivam predstavnika općinske administracije da prozivkom utvrdimo broj prisutnih vijećnika.

Konstatujem da sjednici prisustvuje 21 vijećnik.

Nisu prisutni vijećnici Alisaphić Nedžad, Buljubašić Mustafa, Jurišić Josip, Smajlović Dženita.

Konstatujem da OV može punovažno raditi, odlučivati, donositi odluke, zaključke i rješenja, ovim je ispoštovan član 88. Poslovnika o radu OV Maglaj.

U skladu sa članom 80. Poslovnika o radu na današnjoj sjednici izvršiti ćemo verifikaciju zapisnika sa 6. redovne sjednice OV.

Da li ima primjedbi na zapisnik sa 6. redovne sjednice?

Vijećnica Selma Avdić, imam primjedbu da ukoliko bilo ko od nas ovdje diskutuje, ta diskusija treba da bude navedena u Zapisnik. Međutim, moje riječi na strani 9. nije navedena ni jedna riječ. Ne želim da se vrše bilo kakve podjele, bilo kakve segregacije ili bilo šta. Ono što sam rekla treba da bude ovdje od riječi do riječi. Ne samo od mene nego i od svih mojih kolega.

Vijećnik Safet Jašić, kad je riječ o zapisniku, možda je nekad i bolje da nešto ne piše. Ovdje ima stvari koje su iznesene, teške riječi, teške klevete posebno na račun pojedinaca, osude na račun izabranih zvaničnika, političkih partija itd. Mi u Klubu vijećnika smatramo da je na protekloj sjednici vijeća izrečeno toliko ružnih stvari, da smo se morali na neki način oglasiti.

Ovom prilikom želim da kažem da Klub SDA zbog kršenja etičkog kodeksa izabranih zvaničnika općine Maglaj po članu 8. i 10. a zbog omalovažavanja i vrijeđenja i blaćenja vijećnika SDA, Kluba SDA i funkcionera SDA, predsjednika vijeća mjesnih zajednica iz reda SDA sa otvorenim prijetnjama kako se neće ništa uraditi u mjesnim zajednicama u kojima je predsjednik iz SDA, pa do mobinga i prijetnji običnog građanina općine Maglaj, samo zato što su članovi druge partije odnosno SDA.

Mi podnosimo prijavu ili prigovor protiv Načelnika gospodina Mirsada Mahmutagića Komisiji Etičkog kodeksa. Druga stvar vjerovatno bih se ovdje osvrnuo još ima ružnih stvari i pitanja, ne mogu da dođem sebi šta je sve prošli puta i obzirom da je težak dan i da je mjesec Ramazan, Klub vijećnika SDA ovog trenutka napušta sjednicu Vijeća i neće učestvovati u radu.

Predsjedavajuća OV, dajem pauzu od 5 minuta.

Predsjedavajuća OV, nakon kratke pauze, na osnovu člana 66. Kvorum za sjednice i glasanje, utvrđeno je da Općinsko vijeće nema kvoruma, tako da se sjednica Općinskog vijeća prekida. Datum održavanja naredne sjednice bit će utvrđen na narednom Kolegiju koji ćemo nastojati organizovati u vrlo kratkom roku.

Zahvaljujem se gospodama i gospodi koji su došli iz Kantona, žao mi je što ste došli rano i pokušali učestvovati u realizaciji vrlo bitnih poslova vezano za sve građane naše općine.

Završeno u 10,30 sati.

Zapisničar,
Nisveta Bašić



Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.

NASTAVAK 7. SJEDNICE OPĆINSKOG VIJEĆA MAGLAJ

Održana dana 15.06.2017.godine u 11,00 sati u sali JU Dom kulture «Edhem Mulabdić» Maglaj

Sjednicom predsjedava Svjetlana Zamboni, predsjedavajuća Općinskog vijeća.

Prije nego nastavimo sa 7. sjednicom Općinskog vijeća zamolila bih gospodu Ramizu da utvrdi da li su se stekli uslovi za nastavak sjednice da prozove vijećnike.

Sjednici prisutno 13 vijećnika.

Nisu prisutni vijećnici iz SDA i vijećnik Jurišić Josip iz HDZ.

Zapisničar, Nisveta Bašić

Nakon što smo utvrdili da imamo kvorum, otvaram nastavak 7. sjednice Općinskog vijeća. Ono što je prethodilo ovom nastavku jeste da ste dobili saziv za nastavak sjednice i pozivam se na član 79. stav 3. Poslovnika o radu Općinskog vijeća.

Obzirom da sam prethodno utvrdila da ćemo na današnjoj sjednici imati kvorum sazvala sam i nastavak 7. sjednice a on se održava na osnovu člana 63. Poslovnika o radu Općinskog vijeća Maglaj, gdje smo na Kolegiju 5.6.2017.godine predložili određeni dnevni red.

Prije nego predemo na usvajanje dnevnog reda, obavještavam vas da je dostavljen pisani prijedlog za dopunu dnevnog reda o čemu ćemo se izjasniti nakon što utvrdimo da li ima još primjedbi na zapisnik sa 6. sjednice Općinskog vijeća. Ima li još primjedbi na zapisnik? Nema.

Kao što sam spomenula došao je pisani zahtjev za proširenje dnevnog reda kojeg je uputio Općinski načelnik sa traženjem da se dnevni red proširi za još dvije tačke dnevnog reda, koji glasi:

„Na osnovu člana 64. stav 2. Poslovnika o radu Općinskog vijeća Maglaj predlažem dopunu dnevnog reda 7. redovne sjednice Općinskog vijeća i to:

- proširenje za tačku 17. Odluka o pristupanju djelimične izmjene Regulacionog plana «Centar Maglaj-sjeverni dio»;
- Inicijativa za oslobađanje plaćanja naknade pretvorbe poljoprivrednog u građevinskog zemljišta nastradalih u elementarnim nepogodama, poplavama i klizištima 2014. godine;

Molimo vas da uvažite navedeni zahtjev te navedene tačke uvrstimo u dnevni red 7. redovne sjednice Općinskog vijeća“.

Općinski načelnik Mirsad Mahmutagić, želim da se izvinem, prije dva dana kad je bila zakazana sjednice ja sam iz privatnih hitnih razloga morao biti odsutan tako da se nisam pojavio na početku sjednice, ali evo sjednica je iz razloga neobjašnjivih prekinuta i danas imamo kvorum da nastavimo.

Ovako kako je Predsjedavajuća iznijela radi se o dvije stvari. Kad je u pitanju djelimična izmjena Reg. plana, to će predstavnik Službe pojasniti u okviru tačke dnevnog reda. Dužan sam da kažem da ovo za Kosovu nije prvi put već je ranije pokretana inicijativa i nije ništa urađeno po tom pitanju. Zamolio bih Vijeće danas da obaveže Načelnika. Službu da prosljedimo urgenciju ponovnu i ponovno zatražimo uvažavajući sve činjenice kroz koje su prošli građani čiji su objekti totalno oštećeni da im se omogući besplatna pretvorba poljoprivrednog u građevinsko zemljište, ili barem da dobijemo decidan odgovor da to zakonski nije moguće tako da i sami ti građani dobiju konačan odgovor. Neki dan smo održali sjednicu Privrednog savjeta općine Maglaj, gdje je ispred privrednika iznesena jedna inicijativa. Ta inicijativa postoji već i među političkim krugovima i među privrednicima iz ostalih

općina i sa viših nivoa organizovanja privrednih subjekata na području BiH, a to je zahtjev da se i Općinsko vijeće obrati jednom inicijativom nadležnim parlamentima da se promijeni zakonska regulativa u smislu da privrednici plaćaju PDV onog trenutka kada naplate svoja potraživanja, a ne da plaćaju PDV a potraživanja njihova ostaju upitna a nekada i nenaplativa. To su tri stvari. Za ovu inicijativu gospođica Senka Alibajraktarević je vjerovatno i pripremila pisani materijal do sad. Kad je u pitanju Kosova, nema potrebe za bilo kakvim materijalom. Treće djelimično izmjena Reg. plana to je isto pripremljen materijal.

Predsjedavajuća OV, vezano za inicijativu ona jeste došla na Općinsko vijeće. Da li ima još nekih sugestija predloženih za dnevni red?

Predlažem jednu kratku pauzu za usaglašavanje dnevnog reda koji ćemo ponuditi Općinskom vijeću na usvajanje. Pauza od 5 minuta za Kolegij OV.

Prije nego pročitam usaglašeni dnevni red, želim pozdraviti goste iz Zenice, koji su danas ovdje s nama, kao i sve ostale goste koji su danas prisutni na sjednici.

Nakon kratkog Kolegija pozivam se na član 64. stav 2. i 3. Poslovnika vezano za izmjene i dopune prijedloga Dnevnog reda te na prijedlog Kolegija predlažem

DNEVNI RED

1. Informacija o toku i aktivnostima na izradi Prostornog plana općine Maglaj - tematska tačka;
2. Prijedlog Odluke o usvajanju Nacrta Regulacionog plana «Groblje-Borik» u Maglaju;
3. Odluka o pristupanju djelimične izmjene Regulacionog plana «Centar Maglaj – sjeverni dio»
4. Izvještaj o dostignutom stepenu usklađenosti normativnih akata Općine Maglaj sa zakonima iz oblasti prostornog planiranja, građenja i komunalnih djelatnosti /sa prijedlogom mjera/;
5. Prijedlog Odluke o pristupanju izradi Plana upravljanja otpadom na općini Maglaj;
6. Nacrt Odluke o određivanju prostora i objekata za javno okupljanje na području općine Maglaj;
7. Nacrt Odluke o javnom redu i miru;
8. Informacija o stepenu razvijenosti, obimu i stanju kanalizacione mreže na općini Maglaj;
9. Prijedlog Odluke o gubitku statusa javnog dobra u općoj upotrebi;
10. Rješenje o utvrđivanju prava svojine u korist Mešić (Muharem) Muhamed iz Maglaja;
11. Prijedlog Odluke o kupovini nekretnina prihvatanju/neprihvatanju ponude, po ponudi za prodaju nekretnine podnesenoj od strane Gračić Huseina sina Mustafe iz Maglaja;
12. Informacija o provedbi Akcionog plana u oblasti socijalne zaštite i inkluzije općine Maglaj, sa osvrtom na raseljena lica i povratnike za «PUP» Projekat općine za 2016. godinu;
13. Plan i program održavanja, sanacije i uređenja lokalnih i nerazvrstanih cesta sa finansijskim pokazateljima za 2017. godinu;
14. Rješenje o imenovanju predsjednika i članova Upravnog odbora JU «Dječiji vrtić» Maglaj;
15. Rješenja o imenovanju predsjednika i članova Nadzornog odbora JP Veterinarska stanica Maglaj i Upravnih odbora:
 - JU Centar za socijalni rad Maglaj;
 - JU Dom kulture «Edhem Mulabdić» Maglaj;
 - JU Dom zdravlja Maglaj;
 - JU Narodna apoteka Maglaj;
 - JU Opća biblioteka Maglaj;
16. Prijedlog za imenovanje članova Nadzornog odbora i prijedlog Odluke o davanju prethodne saglasnosti na prijedlog za imenovanje članova Nadzornog odbora KJD d.o.o. Maglaj;
17. Informacija o stanju zaštite od požara na području općine Maglaj u 2016. godini;
18. Inicijativa za oslobađanje plaćanja naknade pretvorbe poljoprivrednog u građevinsko zemljište nastradalih u elementarnim nepogodama poplavama i klizištima 2014.godine;
19. Inicijativa za izmjenu člana 38. Zakona o PDV.

Usvojeno jednoglasno

AD – 1. Informacija o toku i aktivnostima na izradi Prostornog plana općine Maglaj - tematska tačka pozvati predstavnike Kantonalnog zavoda.

Aida Sumbuljević, dipl.ing.arh. direktorica Zavoda, uvodno izlaganje
Jasminka Hajrulahović, dipl.ing.arh. dala pojašnjenja

Otvorena je rasprava

U raspravi su učestvovali vijećnici Hajrudin Fermić, Nedžad Lokmić.

Aida Sumbuljević, predstavnik Zavoda dala odgovore.

Samira Spahić-Rustempašić, dipl.ing.arh. dala pojašnjenja.

Predsjedavajuća OV, u saglasnosti sa predlagачima predložit ću nekoliko prijedloga zaključaka Općinskom vijeću:

1. Informacija o toku i aktivnostima na izradi Prostornog plana općine Maglaj, prima se k znanju.
2. Nosiocu pripreme i nosiocu izrade dajemo punu podršku u procesu izrade Prostornog plana.
3. Zbog velike zainteresovanosti građana i ogromnog interesa općine Maglaj tražimo da se Prostorni plan donese do kraja tekuće godine.
4. Općinski načelnik i općinska Služba da u prihvatljivoj fazi izrade uključe javnost i institucije, da nadležna Služba napravi plan uključivanja javnosti.
5. Da se plan i program izrade Prostornog plana kao i rješenje o imenovanju Savjeta plana objave u Službenim novinama.

Općinski načelnik, Plan uključivanja javnosti možda je to malo grubo rečeno. Čini mi se da smo rekli da nadležna Služba vodi računa o svim prijedlozima i sugestijama od strane vijećnika i strane predstavnika Zavoda i da prati terminske rokove i da se blagovremeno uključi javnost.

Vijećnik Hajrudin Ferić, obzirom da ne znam šta piše u ovom Programu koji je u izradi a trebalo bi da bude i taj segment uključivanja javnosti, trebalo bi da bude obrađeno. Ako to nije zakovano da se samo doda u tom dijelu. U principu ono što mi želimo i da smo se složili jeste da se blagovremeno informiše Vijeće, pa i građani na određeni način u svim fazama o tome u kojoj je fazi itd. izrada ovog važnog plana, a naravno po procjeni nosioca pripreme i savjeta, uključivat će se javnost. Po njihovoj procjeni da se uključuje javnost u kontinuitetu.

Predsjedavajuća OV, ukoliko smo razjasnili šta se podrazumijevalo pod uključivanjem javnosti ovaj set prijedloga zaključaka stavljam na glasanje.

- Informacija o toku i aktivnostima na izradi Prostornog plana općine Maglaj, prima se k znanju.

Z A K L J U Č A K

- 1.1. Općinsko vijeće Maglaj daje punu podršku Nosiocu pripreme i nosiocu izrade u procesu izrade Prostornog plana.
- 1.2. Zbog velike zainteresovanosti građana i ogromnog interesa općine Maglaj tražimo da se Prostorni plan donese do kraja tekuće godine.
- 1.3. Obavezuju se Općinski načelnik i općinska Služba da u prihvatljivoj fazi izrade uključe javnost i institucije tj. da nadležna Služba uvrsti uključivanje javnosti u Plan i program izrade Prostornog plana, s ciljem informisanja javnosti i Općinskog vijeća o svim fazama izrade Prostornog plana.
- 1.4. Plan i program izrade Prostornog plana kao i Rješenje o imenovanju Savjeta plana objaviti u Službenim novinama.

Usvojeno jednoglasno

AD – 2 Prijedlog Odluke o usvajanju Nacrta Regulacionog plana «Groblje-Borik» u Maglaju.

U raspravi su učestvovali vijećnici Svjetlana Zamboni, Hajrudin Ferić.

Predsjedavajuća OV, zaključujem raspravu i predlažem na usvajanje

Z A K L J U Č A K

- 2.1. Donosi se Odluka o usvajanju Nacrta Regulacionog plana «Groblje-Borik» u Maglaju.
- 2.2. Općinsko vijeće izražava zadovoljstvo dosadašnjom dinamikom na izradi ovog dokumenta.
- 2.3. U cilju nastavka aktivnosti u skladu sa propisanim procedurama i Zakonom predlažemo javni uvid od 15 dana i javnu raspravu u trajanju od 15 dana po isteku javnog uvida.
- 2.4. Nalaže se Službi da izvrši preformulaciju u članu 8. Odluke tako da glasi: «Ova Odluka stupa na snagu danom objavljivanja u «Službenim novinama Općine Maglaj».

Usvojeno jednoglasno

AD – 3 Odluka o pristupanju djelimične izmjene Regulacionog plana «Centar Maglaj – sjeverni dio» .

Fuad Hajrulahović, dao uvodno obrazloženje.

Pauza za Klub DF

Vijećnik Hajrudin Fermić, želim da kažem samo nekoliko rečenica a to je prije svega da ćemo mi uputiti primjedbu na način dolaska tačaka na dnevni red. Mi smo ranije donosili i određene zaključke na OV i imamo neke i poslovničke obaveze da to ipak prolazi određene procedure i Kolegij i Komisije itd. Zbog toga bih volio da u nekom narednom periodu poštujemo zaključke Općinskog vijeća bez obzira o kome se radi i šta je u pitanju. Mi ćemo naravno prihvatiti Odluku o pristupanju djelimične izmjene Regulacionog plana Centar Maglaj-sjeverni dio i to iz razloga što je u pitanju privatno zemljište i eventualna namjera gradnje privatne osobe. To ćemo prihvatiti. Insistiram na tome da se u urbanističko tehničkim uslovima prilikom zahtjeva za gradnjom ovih objekata vodi računa da tamo ne budu prljave tehnologije smještene i locirane i da se vodi računa o zdravim platanima koji su ondje pored trotoara.

Fuad Hajrulahović, prilikom čitanja ovog materijala vi ste sigurno primijetili da troškovi djelimične izmjene Regulacionog plana idu na teret investitora, ne Općine i imate u članu 6. sadržaj i postupak izmjene Planskog dokumenta ono o čemu se vi trebate danas izjasniti, a to je redovni postupak ili skraćeni postupak. Razlika redovnog i skraćenog postupka znate da redovan postupak podrazumijeva javni uvid i javnu raspravu, a skraćeni postupak to ne zahtijeva.

Vijećnik Mirza Bradarić, Klub SDP-a obzirom da je u pitanju privatno zemljište, privatni posjed, mi u Klubu SDP-a smatramo da nema potrebe za redovnom procedurom i da to može ići u skraćenom postupku.

Predsjedavajuća OV, zaključujem raspravu i predlažem na usvajanje

ZAKLJUČAK

3.1. Donosi se Odluka o pristupanju djelimične izmjene Regulacionog plana « Centar Maglaj- sjeverni dio – po skraćenom postupku.

3.2. Općinsko vijeće traži da se prilikom izdavanja urbanističko-tehničkih saglasnosti prilikom gradnje objekata vodi računa da se ne da saglasnost na prljave tehnologije /zagađivače/, kao i da se vodi računa da se sačuvaju zdravi platan koji se nalaze pored trotoara.

Usvojeno sa 12 glasova za i 1 uzdržan Muhamed Hrnjić SBB.

AD – 4 Izvještaj o dostignutom stepenu usklađenosti normativnih akata Općine Maglaj sa zakonima iz oblasti prostornog planiranja, građenja i komunalnih djelatnosti /sa prijedlogom mjera.

Fuad Hajrulahović, u Izvještaju smo napravili popis vrlo bitnih i osnovnih odluka koje se koriste ima ih 12, a u drugom dijelu smo napravili isto tako prijedlog za rješavanje, odnosno usklađivanje ovih odluka sa zakonskim aktima. Dali smo jedan hodogram u kojem periodu, odnosno za koju sjednicu koju ćemo odluku pripremiti i dostaviti vama na usvajanje, odnosno one će biti sve u nacrtu, tako da će svaka ta odluka imati obavezu javnog uvida i javne rasprave do konačnog usvajanja Općinskog vijeća. Ovih 12 odluka je raspoređeno da se urade u što kraćem roku. Radi se o vrlo bitnim odlukama za funkcionisanje Službe, a samim tim i organa uprave.

Otvorena je rasprava.

Vijećnik Hajrudin Fermić, mi u Klubu DF smo analizirali i prostudirali ovaj Izvještaj i dobro je da ga imamo pred sobom. Drago nam je što se nalazi na dnevnom redu ove sjednice OV.

Želim naglasiti da u pojedinim prijedlozima odluka postoje odluke koje se pozivaju na zakone, a koji su na određeni način, recimo Zakon građevinskom zemljištu, tu nekoliko pasusa u tom tekstu kaže taj i taj broj 2003., a ja uporno govorim da je Zakon o građevinskom zemljištu u Federaciji na osnovu Naredbe Visokog predstavnika donesen 2005.godine. U mnogome se razlikuje i vi to u službama znate da se razlikuje od tog iz 2003.godine, pa nije dobro da se pozivamo na taj koji je prevaziđen.

Isto tako i u nekim drugim nacrtima ili radnim verzijama ovih naših općinskih odluka se pozivamo na neke zakone koji su već ili prevaziđeni, stavljeni van snage itd. Trebalo bi voditi računa o tome i pratiti odgovarajuće akte koji dolaze.

Primjer je Odluka o javnom redu i miru u kojoj se pozivamo na neke zakone, a ne znamo da je Prečišćen tekst objavljen u Službenim novinama 2017. godine, izmjene su takođe iz 2017. godine donesene. Puno regulišu nekih stvari kojih nije bilo ranije.

Suština mi je u tome da prilikom izrade ovih nacрта Odluka koje će nama doći na Vijeće, tamo gdje treba da dođu po nadležnosti, ipak hajde da kažemo da samo naučili jednu lekciju da bi dobro bilo da se formiraju radne grupe koje će raditi da ne srljamo po svaku cijenu da neke rokove skraćujemo ako će to biti na uštrb kvaliteta ili na uštrb eventualno kršenja određenih zakonskih normi. Mislim da za bilo koju od ovih odluka je potrebno radno tijelo od različitih profila, nešto slično mini savjetu od 3-5 osoba, da se napravi pa da li u prijedlogu radne verzije, prednacrt, ali u svakom slučaju da bude više ljudi uključeno, jer bez obzira koliko ljudi su stručni koji rade u općinskoj administraciji, oni moraju i trebaju da osjete različita mišljenja i onih drugih i političkih, društvenih,

socioloških, ekoloških itd. zahtjeva. Da u tom dijelu mi se dogovorimo o toj nekoj drugačijoj strategiji. Mi imamo već dobar primjer izrade Nacrta Odluka o komunalnom redu koji ima 5-6 članova radne grupe i svako je nekako u svojoj oblasti i svako se dopunjava a u isto vrijeme ne da ni da se promaši nešto što bi bilo jako važno.

Nema ni jednog prijedloga odluke koji se tiče puteva. Ja sam ovdje pročitao u članu 4. Zakona o cestama Federacije BiH nerazvrstana cesta je površina koja se koristi za promet. U stavu 2. stoji izgradnja, korištenje, održavanje, zaštita, rekonstrukcija nerazvrstanih cesta, kao i poslovi nadzora nad tim cestama uređuju se gradskim ili općinskim propisom sukladno ovom zakonu.

Dakle, mora postojati općinski propis, da li postoji nekad od ranije odluka o nekategorisanim putevima, ili javnim putevima itd. ako i postoji ona je zaslužila dobro da se ažurira, da se uradi nova. Ima nešto što je još važnije od ove odluke, a to je da u ovom Zakonu o cestama, to je dobro i za onu gospođicu zaduženu za Budžet, naravno najviše za Načelnika i Vijeće, a i za vas. Meni se čini kao laiku da ima dosta mogućnosti kroz ovaj Zakon o cestama da i mimo ostalih prihoda koji dolaze po tom osnovu i mi kao lokalna zajednica imamo pravo da donesemo određene odluke za konkretne naknade koji bi bili izvorni prihod, pa da malo razmislite i o tome u neko skorije vrijeme, što bi bio siguran dobar izvor prihoda. Ja sam to poredio i pratio, ogromna sredstva u Visokom uzimaju po tim naknadama. Nismo kao Visoko, ali bi bilo dobro da imamo 1/3 manje sredstava od njih. To su neke sugestije, uz molbu da se ništa od ovoga preko koljena ne prelama da po svaku cijenu ne žurimo i donosimo nekvalitetne odluke.

Vijećnik Nedžad Lokmić, želim dati prijedlog da se pri usklađivanju ovih 12 odluka koje treba uskladiti sa prostornim planom, odnosno građenjem da se proba napraviti nekakav redoslijed, prioritet tih usklađivanja, jer ne mora značiti da mora ići tim redoslijedom kako je navedeno, a i na fonu je ovoga što je gospodin dopredsjedavajući rekao.

Vijećnik Mirza Bradarić, ja ću se samo malo nadovezati, sad mi je naumpala jedna stvar kada je govorio o naknadama za puteve i ceste. Ne znam da li imate informaciju? Ja imam **podatak** od prošle godine, da na području općine Kladanj za svaki ulazak na područje općine Kladanj, strane firme kamioni koji nisu sa tog područja, moraju plaćati tzv. taksu za korištenje puteva od nekakvih 10-tak KM. Vjerujte da na području te općine jako velika sredstva ubiru samo na osnovu toga i na osnovu tih sredstava mogu vršiti i rekonstrukciju puteva i izgradnju novih puteva itd.

Što se tiče ovih odluka, vi ste već započeli tu temu, ja bih zamolio tj. tražio od Načelnika kada je u pitanju Odluka o komunalnom redu i sanitarno higijenskim mjerama. Vi znate da je taj nacrt vraćen na doradu, radna grupa je formirana, međutim, sad za sad je to neformalna radna grupa jer je nema nigdje u papirima. Ja bih zamolio Načelnika da zvanično izda rješenje za rad te grupe ili komisije, čisto iz razloga, a tiče se ozbiljnosti. Mi smo imali situacija gdje su već nekakvi nacrti, prijedlozi dolazili na Općinsko vijeće, gdje su ljudi koji su trebali raditi na tim izmjenama, doradama itd. na kraju svega rekli za ovom govornicom mnoge stvari od tih prijedloga nisu sprovedive. Isto tako imamo nažalost i sad direktorica KJD je tu i kolega Fermić je tu, imamo situaciju gdje pojedini članovi te radne grupe kažu da će se kao složiti sa tim prijedlozima, ne dođu na sastanak te radne grupe i onda ćemo sutra kad dođe konačan nacrt imat problema gdje će određeni ljudi doći i reći, a koji trebaju da rade na toj odluci, mi se ne slažemo, to nije sprovedivo itd. Načelniče, molim vas da izdate jedno zvanično rješenje na osnovu kojeg ćemo svi mi imati jednu dozu ozbiljnosti da ne možemo kasnije reći, ja nisam učestvovao ili nisam bio dio te ekipe.

Predsjedavajuća OV, imali smo nekoliko prijedloga sugestija iznesenih od strane dopredsjedavajućeg. Gospodine Hajrulahoviću imala bih jedno pitanje. Vi ste u svom materijalu predložili i vremenske okvire za donošenje pojedinih odluka. Da li one prate ovo o čemu je gospodin Lokmić govorio dakle, prioritete u donošenju svih navedenih odluka?

Vijećnica Svjetlana Zamboni, u skladu sa dostavljenim materijalom obzirom da su tamo izdvojene odluke koje treba donijeti, kao i prijedlozi vremenskih okvira kad bi se one donosile, predlažem da poštujemo ove vremenske okvire, te da dinamiku donošenja ovih odluka, uvrstimo u naš okvirni Program rada Vijeća, te da ih planiramo za periode kako je to i predloženo u materijalu.

Fuad Hajrulahović, ja bih samo dopunio da ova rješenja koje treba Načelnik da izda za ovu Komisiju koja radi na odluci, da se ista takva rješenja prošire i na ostale koji će učestvovati u radu.

Predsjedavajuća OV, nakon svih sugestija, zaključujem raspravu i predlažem na usvajanje

ZAKLJUČAK

- 4.1. Usvaja se Izvještaj o dostignutom stepenu usklađenosti normativnih akata Općine Maglaj sa zakonima iz oblasti prostornog planiranja, građenja i komunalnih djelatnosti /sa prijedlogom mjera.
- 4.2. Općinsko vijeće sugeriše Službama da redovno prate donošenje propisa na višim nivoima vlasti, kako bi općinske propise blagovremeno ažurirali.
- 4.3. Prilikom predlaganja odluka Općinskom vijeću od strane nadležne službe voditi računa o prioritetima i pravnoj važnosti akata.

4.4. Zadužuje se Općinski načelnik da prilikom imenovanja odgovarajućih radnih grupa za pripremu akata predviđenih za donošenje, a navedenih u izvještaju, vodi računa o stručnosti i kompetentnosti imenovanih osoba, te da istim i dostavi pisana rješenja o imenovanju.

4.5. Zadužuje se Općinski načelnik da izda rješenje za postojeću radnu grupu, a čiji zadatak je izrada nacrtu Odluke o komunalnom redu.

4.6. Pripremiti i odgovarajuće odluke koje tretiraju upravljanje, korištenje i održavanje nekategorisanih putnih pravaca na općini Maglaj, a u skladu sa Zakonom o cestama.

Usvojeno jednoglasno

AD – 5 Prijedlog Odluke o pristupanju izradi Plana upravljanja otpadom na općini Maglaj.

Vijećnik Muhamed Hrnjuić, iznio stav Komisije za privredu, prostorno uređenje i zaštitu okoliša.

Otvorena je rasprava

U raspravi su učestvovali vijećnici Hajrudin Fermić, Svjetlana Zamboni.

Fuad Hajrulahović, sugestija.

Pauza za Klub SDP-a

Predsjedavajuća OV, zaključujem raspravu i predlažem na usvajanje

Z A K L J U Č A K

5.1. Donosi se Odluka o pristupanju izradi Plana upravljanja otpadom na općini Maglaj.

5.2. Zadužuje se Općinski načelnik da prilikom formiranja Komisije uključi što više subjekata u fazi izrade, vodeći računa o stručnosti a ne političkoj pripadnosti lica koja će imenovati u ovu Komisiju. Da u sastavu ove Komisije uđu lica ekološke struke, pravnik, arhitekata itd. da bude neko iz KJD Maglaj, neko iz »Natron-Hayat«, Doma zdravlja, firme koje se bave otpadom i dr.

5.3. Obavezuje se Općinski načelnik da izda Rješenja licima koja imenuje u Komisiju, sa određenim zadacima i rokovima.

5.3. Nacrt Plana uraditi do usvajanja Nacrta Budžeta kako bi se mogla predvidjeti novčana sredstva za ove aktivnosti.

5.4. Općinski plan upravljanja otpadom treba da bude usuglašen sa Kantonalnim planom.

Usvojeno jednoglasno

AD – 6 Nacrt Odluke o određivanju prostora i objekata za javno okupljanje na području općine Maglaj.

Fuad Hajrulahović, uvodno izlaganje

Otvorena je rasprava

U raspravi su učestvovali vijećnici Mirza Bradarić, Hajrudin Fermić.

Fuad Hajrulahović, dao odgovore.

Predsjedavajuća OV, zaključujem raspravu i predlažem na usvajanje

Z A K L J U Č A K

6.1. Donosi se Nacrt Odluke o određivanju prostora i objekata za javno okupljanje na području općine Maglaj.

6.2. Obavezuje se Općinski načelnik da sazove Forum za bezbjednost građana koji će dati svoje sugestije po pitanju ove Odluke.

6.3. Određuje se rok za javnu raspravu u trajanju od mjesec dana.

Usvojeno jednoglasno

AD – 7 Nacrt Odluke o javnom redu i miru.

Fuad Hajrulahović, uvodno izlaganje.

Otvorena je rasprava

U raspravi su učestvovali vijećnici Svjetlana Zamboni.

Predsjedavajuća OV, zaključujem raspravu i predlažem na usvajanje

Z A K L J U Č A K

- 7.1. Donosi se Nacrt Odluke o javnom redu i miru.
- 7.2. Određuje se javna rasprava u trajanju od mjesec dana.
- 7.3. Obavezuju se Forum za bezbjednost građana i nadležne Komisije da dostave svoje prijedloge i sugestije.
- 7.4. U skladu sa preporukom Federalnog ministarstva okoliša i turizma od 14.07.2015.godine, obavezuje se Općinski načelnik da do kraja javne rasprave donese Odluku o radnom vremenu u određenim djelatnostima kojom će se utvrditi i radno vrijeme objekata u kojima se obavlja ugostiteljska djelatnost na području općine Maglaj.

Usvojeno jednoglasno

AD – 8 Informacija o stepenu razvijenosti, obimu i stanju kanalizacione mreže na općini Maglaj.

Fuad Hajrulahović, uvodno izlaganje.

Otvorena je rasprava.

U raspravi su učestvovali vijećnici Muhamed Hrnjić, ispred Komisije za privredu, prostorno uređenje i zaštitu okoliša, Hajrudin Fermić, Nedžad Lokmić, Bešić Mustafa, Svjetlana Zamboni, direktorica KJD Amira Zukić.

Pauza od 5 minuta za koalicioni blok.

Predsjedavajuća OV, nakon usaglašavanja stavova Klubova koalicionog bloka iznijet ću prijedloge zaključaka koji će otprilike sumirati i stavove Komisije i na određeni način i stavove Klubova.

- **Informacija o stepenu razvijenosti, obimu i stanju kanalizacione mreže na općini Maglaj, prima se k znanju.**

Z A K L J U Č A K

- 8.1. Dostaviti Općinskom vijeću za jednu od narednih sjednica Informaciju o stepenu realizacije preuzimanja vodovoda Ulišnjak i Bijela Ploča od strane KJD.
- Općinsko vijeće zadužuje KJD Maglaj, Općinskog načelnika i Službe da obezbijede ovu Informaciju.
- 8.2. Za jednu od narednih sjednica pripremiti Informaciju o kanalizacionom sistemu Bijela Ploča i Informaciju o obezbjeđivanju tehničkog minimuma za preuzimanje ovog objekta.
- 8.3. Uozbiljiti pristup prilikom izdavanja dozvola za priključak na kanalizacionu mrežu u gradu.
- 8.4. Za jednu od narednih sjednica pripremiti Odluku o kanalizaciji.
- 8.5. Sačiniti projekcija razvoja kanalizacionog sistema cijele općine Maglaj.
- 8.6. Pristupiti analizi kritičnih dionica koje su spomenute u materijalu sa prijedlogom koraka za rješavanje i započeti aktivnosti na izraditi projekta za prikupljanje fekalnih i oborinskih voda, sistema pročišćavanja.

Usvojeno jednoglasno

AD – 9 Prijedlog Odluke o gubitku statusa javnog dobra u općoj upotrebi.

Fuad Hajrulahović, uvodno izlaganje.

Nije bilo rasprave.

Predsjedavajuća OV, zaključujem raspravu i predlažem na usvajanje

Z A K L J U Č A K

- 9.1. Donosi se Odluka o gubitku statusa javnog dobra u općoj upotrebi.

Usvojeno jednoglasno

AD – 10 Rješenje o utvrđivanju prava svojine u korist Mešić (Muharem) Muhamed iz Maglaja

Fuad Hajrulahović, uvodno izlaganje

Otvorena je rasprava

U raspravi su učestvovali vijećnici Muhamed Hrnjić, ispred Komisije za privredu, prostorno uređenje i zaštitu okoliša, Hajrudin Fermić, Nedžad Lokmić.

Pauza od 30 minuta

U nastavku u raspravi su učestvovali Nermina Botonjić, općinska pravobraniteljica, vijećnici Hajrudin Fermić, Nedžad Lokmić
Predsjedavajuća OV, zaključujem raspravu i predlažem na usvajanje

Z A K L J U Č A K

- 10.1. Donosi se Rješenje o utvrđivanju prava svojine u korist Mešić (Muharem) Muhamed iz Maglaja.
 10.2. Općinsko vijeće utvrđuje cijenu od 70,00 KM/m².

Usvojeno jednoglasno

AD – 11 Prijedlog Odluke o kupovini nekretnina prihvatanju/neprihvatanju ponude, po ponudi za prodaju nekretnine podnesenoj od strane Gračić Huseina sina Mustafe iz Maglaja.

Fuad Hajrulahović, uvodno izlaganje.

Otvorena je rasprava.

U raspravi su učestvovali vijećnici Muhamed Hrnjić, ispred Komisije za privredu, prostorno uređenje i zaštitu okoliša, Nedžad Lokmić.

Predsjedavajuća OV, zaključujem raspravu i predlažem na usvajanje

Z A K L J U Č A K

- 11.1. Donosi se Odluka o kupovini nekretnina po ponudi podnesenoj od strane Gračić Huseina sina Mustafe iz Maglaja.
 11.2. Općinsko vijeće prihvata cijenu od 10,00 KM/m².

Usvojeno jednoglasno

AD – 12 Informacija o provedbi Akcionog plana u oblasti socijalne zaštite i inkluzije općine Maglaj, sa osvrtom na raseljena lica i povratnike za «PUP» Projekat općine za 2016. godinu

Otvorena je rasprava

U raspravi su učestvovali vijećnici Firuz Galijašević, Hajrudin Fermić, Elvir Vehabović.

Predsjedavajuća OV, zaključujem raspravu i predlažem da

- **Informacija o provedbi Akcionog plana u oblasti socijalne zaštite i inkluzije općine Maglaj, sa osvrtom na raseljena lica i povratnike za «PUP» Projekat općine za 2016. godinu, prima se k znanju.**

Z A K L J U Č A K

- 12.1. Općinsko vijeće predlaže da se za Budžet 2018.godine predvide sredstva za angažovanje logopeda koji će biti u radnom odnosu, umjesto zaključivanja ugovora o djelu.
 12.2. Općinsko vijeće predlaže i opciju da JU Dom zdravlja Maglaj zaključi ugovor o radu sa logopedom, a da se sredstva obezbijede u Budžetu Općine Maglaj.
 12.3. Općinsko vijeće sugeriše da se nastavi sa pozitivnom praksom.

Usvojeno jednoglasno

AD – 13 Plan i program održavanja, sanacije i uređenja lokalnih i nerazvrstanih cesta sa finansijskim pokazateljima za 2017. godinu.

Fuad Hajrulahović, Služba je u proteklom periodu pokušala da napravi nešto bolji i kvalitetniji Plan i program održavanja i sanacije uređenja lokalnih cesta sa finansijskim pokazateljima za 2017. godinu, nego ono što je bilo. U materijalu ono što smo pokušali napraviti u ovom uvodnom dijelu smo dali opće odredbe i opće pojmove kategorizacije cesta. Ono što je interesantno za općinu kod ove kategorizacije cesta je to da su u nadležnosti Općine lokalne ceste i nerazvrstane ceste. U okviru toga smo napravili jednu tabelu što se tiče lokalnih cesta. Znači na općini Maglaj imamo do sada 20 putnih pravaca, lokalnih cesta sa ukupnom dužinom od 81,6 km, od

toga asfaltnih cesta imamo 50,9 km i makadamskih imamo 30,7. Što se tiče nerazvrstanih cesta njih imamo u više pravaca i ukupno tih cesta imamo negdje oko 56 km.

U jednom poglavlju smo opisali održavanje lokalnih i nerazvrstanih cesta, šta su ciljevi i malo smo se dotakli, odnosno opisali smo i način finansiranja. Znae da u Budžetu u 2017. godini za ovu vrstu radova planiran iznos od 300.000 KM. Stvarno održavanje bit će usklađeno sa prilivom sredstava u Budžetu za 2017. godinu.

U slijedećem dijelu ovog Programa smo pripremili i tabelarni prikaz, ono što se moglo predvidjeti. Želim naglasiti što se tiče asfaltnih puteva kojih imamo možemo predvidjeti na godišnjem nivou realan plan za održavanje tih puteva, ali što se tiče makadamskih puteva svaki plan je vrlo nerealan iz jednog razloga. Imali smo neki dan pljusak koji je napravio kaos na području Kosove, Moševca, Oruča i Ravne, tako da ovo što je tu planirano nije ni blizu onome što treba da se sanira.

Mi smo za 2017. godinu kompletno održavanje, redovno i vanredno podijelili u četiri kategorije. Jednu kategoriju čine radovi redovnog održavanja i rekonstrukcije lokalnih cesta. Drugu kategoriju čine radovi koji se odnose na sanaciju i rekonstrukciju postojećih i izgradnja novih asfaltnih površina na području općine Maglaj. Treću kategoriju čini signalizacija horizontalna i vertikalna i četvrtu kategoriju imate i tabelu zimsko održavanje cesta na općini Maglaj. Ljetno održavanje cesta ide od 15.03. do 15.11. tekuće godine, a zimsko održavanje cesta ide od 15.11. do 15.03. Ovaj rok može biti i duži i kraći zavisno od snježnih padavina. Ono što je po meni vrlo bitno kod zimskog održavanja a to što je uvedeno od prošle godine, je to da imamo dvije cijene prilikom obračuna za izvedene radove za zimsko održavanje. Znači za dane kada se snijeg čisti, za dane kada se snijeg ne čisti. Ove godine je to tako napravljeno za dane kada se čisti cijena je 100%, za dane kada se ne čisti ta cijena se umanjuje 75%, što znači da samo snosimo troškove od 25%. Tabele imate sve, ukoliko ima nekih pitanja ja ću odgovoriti.

Otvaram raspravu.

Vijećnik Muhamed Hrnjić, Komisija je raspravljala i ovu tačku dnevnog reda. Komisija predlaže da se prihvati ovaj Plan i program održavanja cesta.

Vijećnik Hajrudin Ferić, ja sam dobio možda i desetak poziva i pohvala od strane građana iz mjesnih zajednica što je ovaj Program ugledao svjetlo dana i što su ljudi konačno mogli da pročitaju šta je to u planu i šta je to šta bi se moglo od prilike okvirno raditi na općini Maglaj...

Spomenut ću neke od formalnih falinki, a to je da u ovoj tabeli i ovom programu prema odluci o razvrstavanju cesta u ZDK imamo 21 lokalnu cestu, a po ovom programu 20. Tu nam se izgubilo negdje oko 3 km puta. Dakle, 21 lokalna cesta Odluka o razvrstavanju cesta u ZDK «Službene novine broj: 9/14 izmjena je bila 9/15, ali to samo važenje pojedinih odredbi u toj izmjeni.

Tri km se izgubilo a to puno znači na ovih 80 i nešto. Želim iznijeti neke prijedloge koji nisu našli svoje mjesto u ovom programu ili nedovoljno su možda našli.

Sugerisano mi je da se put Tujnica-Mlin –Liješnica on je planiran oko 600 i nešto km za održavanje. Ljudi na tom području upozoravaju na loše, katastrofalno stanje i onog mosta a i samog puta, tako da smatraju da će biti nedovoljno, da se malo vidi kakva mogućnost za podrobnije nadziranje ili nekih sredstava u rezervi ako bude neke nužde.

Nisam dobio odgovor na vijećničko pitanje-inicijativu, pa ću sad reći da bi bilo dobro da u ovom programu sad stoji i izgradnja autobusnog stajališta u MZ Jablanica. Na prošloj sjednici sam to predložio i to sigurno nisu neka značajna sredstva.

Upoznati su i Načelnik i šef Službe sa jednim problemom nekategorisanog puta, ali puta koji izuzetno puno znači mještanima Kopica. Molio bih da bez obzira koliko bi to sredstava bilo da se uvrsti ili drži u rezervi ili iznađe mogućnost da uđe u ovaj program i taj nekategorisani put, a o značaju tog puta i za poljoprivrednike, da se uvrsti. Sredstva koja su planirana po ove tri-četiri tabele mislim da je negdje oko 270.000 KM ukupno planirano, a 300.000 KM imamo u planu u Budžetu. U Budžetu od prihoda na ceste na direktan ili indirektan način imamo oko pola miliona, možda čak i više planiranih sredstava. Ovih planiranih 300.000 KM, trebalo bi da se iznađe i ova mogućnost i za ljude u Kopicama.

Imam jednu inicijativu a ne tiče se nas niti je naša nadležnost, a to je da se pored škole u Ulišnjaku inicira kod Kantonalne direkcije cesta osiguranje djece u prometu, gore da li pješačkim prijelazima, da li ogradom, trotoarima ono gdje je najkritičnije i najpotrebnije tamo oko škole. Ono što je neophodno nužno da se uradi. Znam da je to regionalni put, nemamo mi tu nadležnosti, ali možemo kad oni donose svoje projekte itd. da iniciramo i taj dio u naše prioritete.

Vijećnik Mustafa Bešić, ja sugerišem Vijeću i Načelniku da se podjednako ulaže u sve mjesne zajednice bez obzira da li imaju predstavnika u vijeću ili nemaju. Ne smijemo dozvoliti te razlike.

Vijećnik Fikret Delić, vezano za ovaj put u Kopicama, samo ću reći da je riječ o jednom značajnom putu. Ljudi se bave poljoprivredom i imaju zasađeno preko 50 dunuma maline, a ima i zasada pšenice. Ovo je put oko 1000 metara i potreban je samo nasip. Ne tražimo neka velika sredstva. Znae da u Kopicama 90% stanovnika ne radi i da se bave poljoprivredom. Jedini prihod je poljoprivreda. Ovaj put je značajan da se spoji sa Domislicom, Bešama i ostalim ostalo je nekih 900 do 1000 m puta da bi se spojilo i zato smo govorili da to prođe, da Načelnik iznađe neka sredstva i da se to uvrsti u ovaj Plan i program.

Fuad Hajrulahović, činjenica je da uvijek bude primjedbi i dobro je da ima primjedbi i sugestija. Ovo što je gospodin Fermić rekao činjenica je da imamo 30.000 KM rezerve, da ne kažem imamo tu jednu poziciju koja je nekih 13.500 KM, koja su predviđena da se utroše za rad mehanizacije na određenim područjima. I uvijek moramo nešto ostaviti u rezervi kad se nešto dešava.

Što se tiče autobuske stanice u Jablanici, odgovor je otišao i ja ću provjeriti. Mi smo i do sada radili u MZ Kosova, Moševac i Liješnica autobuska stajališta. Nažalost ostali su samo kosturi od njih. Uništena su ali nije problem da se u 2017. godini napravi i ovo autobusko stajalište.

Što se tiče putnog pravca tzv. za malinare, tako ga zovemo. Mi smo taj put u prošloj godini prosjekli u dužini od nekih kilometar, fali još nekih 250 metara da se spoji sa putem za Domislicu. Načelnik i ja smo bili gore i vodili aktivnost da nađemo što detaljniju cijenu za nasipanje tog puta. Prema ovim informacijama sa kojima raspolažemo, da bi se sav taj put nasuo, potrebno je oko 1000 kubika materijala po ponudi koju imamo to je 13-15.000 KM i mi tražimo nešto malo povoljnije da se to uradi.

Što se tiče Ulišnjaka mi ćemo to sigurno sa Direkcijom cesta kantonalnom riješiti i neće to biti problem.

Ovo što se tiče Tujnice, u Tujnici će sigurno biti uloženo malo više sredstava zbog tog dijela a posebno zbog toga što u Tujnici imamo šehidsko mezarje kojem se bukvalno ne može prići. Ima tu sjelina, jedna njiva kompletna klizi, svake sedmice je taj put zatvoren. Taj dio znamo da je malo sredstava predviđeno, a trebat će odvojiti još jedan dio sredstava da bi to napravili. I do sad smo mi to radili, a u dogovoru s Načelnikom i mimo ovog Plana i programa gdje bude nešto interventno mi ćemo odraditi. Imamo neki dio sredstava što imamo u rezervi, koristit ćemo i dio sredstava iz civilne zaštite i ono nešto što mi kandidujemo prema višim nivoima pa da ta sredstva koja su namjenska možemo potrošiti u ovu putnu infrastrukturu.

Vijećnik Mustafa Bešić, želim iznijeti jednu sugestiju a to je da kad se uradi dio puta u nekoj mjesnoj zajednici da mi u Vijeću imamo na uvid gdje je urađeno i koliko sredstava je uloženo. Da mi vijećnici imamo to u vidu.

Općinski načelnik, puno je zahtjeva i ovdje ko god izađe može reći dvije-tri lokacije koje treba riješiti. Nećemo praviti prioritete ni političke ni neke druge, nego samo prioritete koji su stvarni i da ih pokušamo rješavati. Sredstva su ograničena i to moramo znati svi. Moguće je da će se dio sredstava pokazati u 7 ili 8-mom mjesecu koja se mogu osloboditi i eventualno još neka infrastruktura uraditi. Ovo održavanje smo predvidjeli u četiri lota i idemo, mislim prošle godine smo dobro prošli sa održavanjem, a mislim da ćemo i ove godine proći još bolje sa održavanjem. Mi smo sa ovih 60% u neradnim danima spustili na 25 %. Povećali smo ukupnu količinu puteva, uobzirili smo sve puteve. Imamo potpisan i ovo za škole i signalizaciju, on nije velik, ali opet da kažem ići ćemo i to po prioritetima. Imamo sve područne škole oko kojih nema ni jedan znak. Vidjet ćemo mogućnost i za to a na prošloj sjednici smo konstatovali i mogućnost postavljanja ležećih policajaca, tako da u toj školi kad su u pitanju Bradići, Jablanica da ne nabrajam sve, da se pokušalo to riješiti. Zahvaljujem na konstruktivnim prijedlozima i ovaj prijedlog put za malinare. Put je dužine do 1000 metara i tu je 50-tak i više dunuma malina, planirano je da se tu zasadi još. Ima li puta dobrog, nema. Put je prosječen ali vrijeme je svoje uradilo, kiša, zima, vode koja pravi blato. Puno kubika tu treba. Pokušavamo naći malo nižu cijenu i sigurno ćemo uraditi i taj dio. Uspjet ćemo da riješimo i kritične lokacije, uglavnom da se to može koristiti, a pred nama je iduća godina da dalje poravnamo. Ima ovdje dio sredstava koja su ostavljena kao rezerva. Neko je spomenuo pitanje Ravne, da ne idemo dalje, onaj petak kad je bila kiša napravljeni su kanali po putu, mašina je odmah otišla na teren i odradila što je mogla odraditi u tom trenutku. Zahvaljujem se na svim sugestijama.

Predsjedavajuća OV, zaključujem raspravu i predlažem na usvajanje

ZAKLJUČAK

- 13.1. Daje se suglasnost na Plan i program održavanja, sanacije i uređenja lokalnih i nerazvrstanih cesta sa finansijskim pokazateljima za 2017. godinu.
- 13.2. Općinsko vijeće sugeriše da se u usvojenom Planu i programu pokušaju iznaći veća od planiranih sredstava za održavanje puta Tujnica – Liješnica.
- 13.3. Općinsko vijeće sugeriše da se pristupi izgradnji autobusnog stajališta MZ Jablanica.
- 13.4. Općinsko vijeće sugeriše da se pristupi nasipanju nekategorisanog puta u Kopicama tzv. «put za malinare» koji je od izuzetne važnosti za poljoprivrednike tog kraja.
- 13.5. Općinsko vijeće sugeriše Općinskom načelniku da preduzme pravovremene mjere na sanaciji nekategorisanih puteva u MZ Ravna, a nakon prethodnih vremenskih neprilika, kao i da vodi računa o ravnomjernom ulaganju u sve mjesne zajednice po prioritetima, bez obzira što nemaju svojih predstavnika u Općinskom vijeću.
- 13.6. Općinsko vijeće sugeriše Službi za urbanizam da inicira kod Direkcije cesta ZDK nastavak izgradnje trotoara, odnosno adekvatnog pristupa školi u MZ Ulišnjak.

Usvojeno jednoglasno

AD – 14 Rješenje o imenovanju predsjednika i članova Upravnog odbora JU «Dječiji vrtić» Maglaj

Predsjedavajuća OV, predlažem vijećnicima da tačke dnevnog reda 14. i 15.razmatramo zajedno.

Usvojeno jednoglasno

Otvorena je rasprava

U raspravi su učestvovali vijećnik Lokmić Nedžad koji je iznio stavove i prijedloge ispred koalicionog bloka, Sadina Bašić, Općinski načelnik.

Predsjedavajuća OV, zaključujem raspravu i predlažem na usvajanje

Z A K L J U Č A K

14.1. Donosi se Rješenje o imenovanju predsjednika i članova Upravnog odbora JU «Dječiji vrtić» Maglaj u sastavu:

1. Elifa Mustabašić, predsjednik, iz reda predstavnika osnivača,
2. Tatjana Bajraktarević, iz reda vijeća roditelja i
3. Amra Osmić, iz reda stručnog osoblja.

Usvojeno jednoglasno

AD – 15 Rješenja o imenovanju predsjednika i članova Nadzornog odbora JP Veterinarska stanica Maglaj i Upravnih odbora:

- **JU Centar za socijalni rad Maglaj;**
- **JU Dom kulture «Edhem Mulabdić» Maglaj;**
- **JU Dom zdravlja Maglaj;**
- **JU Narodna apoteka Maglaj;**
- **JU Opća biblioteka Maglaj;**

Predsjedavajuća OV, zaključujem raspravu i predlažem na usvajanje

Z A K L J U Č A K

15.1. Donosi se Rješenje o imenovanju predsjednika i članova Nadzornog odbora JP Veterinarska stanica Maglaj u sastavu:

1. Dženana Bočić, član
2. Nada Vilić, član
3. Aida Bašić, član.

15.2. Donosi se Rješenje o imenovanju predsjednika i članova Upravnog odbora JU Centar za socijalni rad Maglaj u sastavu:

1. Senka Bajrić Alispahić, predsjednik
2. Jasna Hamidović, član
3. Jasmina Hasanić, član.

15.3. Donosi se Rješenje o imenovanju predsjednika i članova Upravnog odbora JU Dom kulture «Edhem Mulabić» Maglaj u sastavu:

1. Alma Bradarić, predsjednik
2. Zlatko Omerović, član
3. Jasmin Bilić, član.

15.4. Donosi se Rješenje o imenovanju predsjednika i članova Upravnog odbora JU Dom zdravlja Maglaj u sastavu:

1. Emir Hamidović, predsjednik
2. nakon dobijanja saglasnosti Ministarstva zdravstva ZDK
3. Senaida Mahmutović, član.

15.5. Donosi se Rješenje o imenovanju predsjednika i članova Upravnog odbora JU Narodna apoteka Maglaj u sastavu:

1. Senada Ćorić, predsjednik
2. nakon dobijanja saglasnosti Ministarstva zdravstva ZDK
3. Aida Osmanbegović, član.

15.6. Donosi se Rješenje o imenovanju predsjednika i članova Upravnog odbora JU Narodna biblioteka Maglaj u sastavu:

1. Dženana Hadžiedhemović, predsjednik
2. Alma Mešić, član
3. Enisa Šahman, član.

AD – 16 Prijedlog za imenovanje članova Nadzornog odbora i prijedlog Odluke o davanju prethodne saglasnosti na prijedlog za imenovanje članova Nadzornog odbora KJD d.o.o. Maglaj.

Sadina Bašić, diplomirani pravnik, dala obrazloženja i objasnila pojedine odluke.

Pauza 5 minuta

U raspravi su učestvovali vijećnik Nedžad Lokmić, Hajrudin Fermić

Predsjedavajuća OV, zaključujem raspravu i predlažem na usvajanje

Z A K L J U Ć A K

16.1. Donosi se Odluka o davanju prethodne saglasnosti Skupštini KJD D.o.o. Maglaj za razrješenje članova Nadzornog odbora imenovanih na kraći period, radi isteka period na koji su imenovani.

16.2. Donosi se Odluka o davanju prethodne saglasnosti na prijedlog za imenovanje članova Nadzornog odbora KJD d.o.o. Maglaj.

16.3. Usvaja se prijedlog za imenovanje članova Nadzornog odbora KJD d.o.o. Maglaj u sastavu:

1. Armin Banjić, predsjednik
2. Jasko Obralić, član.

16.4. Donosi se Odluka o sazivanju vanredne skupštine KJD d.o.o. Maglaj.

16.5. Donosi se Odluka o davanju ovlaštenja punomoćniku za zastupanje Općinskog vijeća Maglaj na Vanrednoj skupštini KJD d.o.o. Maglaj, te ovlašćuje Svjetlana Zamboni, predsjedavajuća Općinsko vijeća Maglaj za potpisivanje pojedinačne prijave i punomoći s obavezujućom uputom o postupcima i aktivnostima u postupku sazivanja Skupštine, učešću u radu i načinu glasanja po pojedinim tačkama dnevnog reda na Vanrednoj Skupštini KJD d.o.o. Maglaj po zakazivanju iste.

Usvojeno jednoglasno

AD – 17 Informacija o stanju zaštite od požara na području općine Maglaj u 2016. godini.

U raspravi su učestvovali vijećnik Hajrudin Fermić i Mehmed Smajlagić.

Predsjedavajuća OV, zaključujem raspravu i predlažem na usvajanje.

- Informacija o stanju zaštite od požara na području općine Maglaj u 2016. godini, prima se k znanju.

AD – 18 Inicijativa za oslobađanje plaćanja naknade pretvorbe poljoprivrednog u građevinsko zemljište nastradalih u elementarnim nepogodama poplavama i klizištima 2014.godine.

U raspravi je učestvovao vijećnik Hajrudin Fermić.

Predsjedavajuća OV, zaključujem raspravu i predlažem na usvajanje

Z A K L J U Ć A K

18.1. Općinsko vijeće podržava Inicijativu za oslobađanje plaćanja naknade pretvorbe poljoprivrednog u građevinsko zemljište nastradalih u elementarnim nepogodama poplavama i klizištima 2014.godine.

18.2. Obavezuje se nadležna Služba da Inicijativu proslijedi na više instance vlasti.

Usvojeno jednoglasno.

AD –19 Inicijativa za izmjenu člana 38. Zakona o PDV.

Predsjedavajuća OV, pročitala je inicijativu, nije bilo rasprave nakon čega je predložila.

Z A K L J U Č A K

19.1. Općinsko vijeće podržava Inicijativu Privrednog savjeta općine Maglaj za izmjenu člana 38. Zakona o PDV koji glasi: « Poreski period koji se obračunava PDV je jedan kalendarski mjesec. Obveznik je dužan obračunati PDV za odgovarajući poreski period na osnovu ukupnog prometa dobara ili usluga iskazanih u fakturama u tom poreskom periodu».

Prijedlog izmjene člana 38.

Član 38. stav 2. treba da glasi: « Obveznik je dužan obračunati PDV za odgovarajući poreski period na osnovu ukupno naplaćenih dobara ili usluga iskazanih u naplaćenim fakturama u tom poreskom periodu».

19.2. Zadužuju se Služba za privredu i finansije.

Usvojeno jednoglasno

Brifing Općinskog načelnika

Od aktivnosti koje sam pominjao na prošloj sjednici na brifingu, aktivnosti koje se trenutno vode, govorimo o infrastrukturnim objektima, završili smo rekonstrukciju sjevernog ulaza. Imali smo generalnu probu, i poslije onog velikog pljaska, pokazalo se da to u potpunosti funkcioniše i zadovoljni smo. Prva prilika provjera pokazala je da posao kvalitetno urađen i vidjet ćemo dalje.

- Rekonstrukcija ulice prema «Natron» ide, a vidjet ćemo da li će se narušiti rok izvođenja radova.
- Ide rekonstrukcija utopljanja Doma kulture kako stoji u nazivu projekta, zamjena stolarije, taj projekat je u toku.
- U toku je i audit koji sam spominjao da će doći na red, sada je u toku audit ulične rasvjete pa ćemo vidjeti kako ćemo završiti tu priču sa UNDP-om, u svakom slučaju ćemo ove godine sa njima ili bez njih odraditi značajan dio kako bi smanjili troškove na utrošku električne energije.
- Program je usvojen, ugovori su završeni ići će određene sanacije lokalnih puteva.
- Iz sredstava informiranja ste imali priliku vidjet da je započela izgradnja ovog kolektivnog stambenog objekta po CEP-2 programu.
- U međuvremenu smo izašli na preliminarnoj listi kao prvorangirana općina za dodjelu sredstava za ulaganje u poslovnim zonama, konkretno poslovna zona Misurići nastavak od petlje. Prošli smo i u programu određenih sredstava koja dolaze za vodne naknade. To će isto biti aktivnosti koje će se voditi nakon zvanične potvrde, nakon provođenja procedura javnih nabavki.
- Nisam stigao napisati sve aktivnosti koje se provode pored redovnih aktivnosti u Službi. Da spomenem da je jučer potpisan i ugovor za 18 korisnika po regionalnom stambenom programu. Dva su trenutno «vise» iz tehničkih problema, a riješiti će se i to. S druge strane ovo kišovito vrijeme imalo je za posljedicu niz šteta na putnoj komunikaciji na području općine.
- Otvorili smo «Studentsko ljetovanje» sa Festivalom «Malog ljeta» i šetnjom. Mislim da je bilo dovoljno kvalitetno za početak. Na nastavku te manifestacije se radi i vi ćete blagovremeno biti informisani.

Ukoliko bude još nekih pitanja bit ću tu da odgovorim, uz napomenu ono što sam spominjao da sam razgovarao i sa Češkim Ambasadorom i sa predstavnicima Češke Ambasade, dobili smo pismo iz Češke razvojne agencije gdje smo odabrani kao općina s kojima će raditi projekte i juče smo prosljedili niz velikih projekata. Radi se o četiri velika projekta prema Češkoj Ambasadi. Implementacija ide od 2018. godine. Da li ćemo biti na početku, na sredini ili na kraju 2018. godine, koji će biti projekat odabran od toga, ne zavisi samo od nas, ali smo kandidovali velike projekte poput Prečišćava otpadnih voda, utopljanje kolektivnih, stambenih objekata. Toplanu za centralno grijanje, znači za gradsko grijanje i imamo još određenih kontakata sa drugim međunarodnim organizacijama ili zvaničnicima. Vidjet ćemo rezultate. Ne volim govoriti unaprijed i govoriti o imenima. Danas se održava i u Sloveniji jedan sastanak gdje će određeni ljudi lobirati nešto i za općinu Maglaj, ako to bude rezultiralo kvalitetnim projektima bit će dobro, ako ne, treba pokušavati pa gdje uspijemo.

VIJEĆNIČKA PITANJA I INICIJATIVE

Vijećnik Mirza Bradarić, ja nemam dodatnih pitanja, samo bih zatražio od šefa Službe za urbanizam, geodetske i imovinsko pravne poslove, da mi odgovori zašto nisam dobio odgovor na vijećničko pitanje od prošli put a vezano za ležeće policajce i saobraćajni znak u ulici Kulina bana.

Završeno u 16.48 sati.

Zapisničar:
Nisveta Bašić

Sastavni dio zapisnika čini tonski zapis, a CD cjelokupne jedinice dobit će sve političke stranke koje participiraju u Općinskom vijeću Maglaj.

